

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“, broj 7/10) a u vezi sa članom 23. Zakona o izvršavanju budžeta Zeničko-dobojskog kantona za 2014. godinu („Službene novine Zeničko-dobojskog kantona“, broj 15/13), na prijedlog Ureda premijera, Vlada Zeničko-dobojskog kantona, na 147. sjednici održanoj 06.02.2014. godine, d o n o s i

## **ZAKLJUČAK**

**o usvajanju Programa utroška finansijskih sredstava, sa razdjela 11 – Ured premijera, budžetska organizacija 01, potrošačka jedinica 001, ekonomski kod 614300, Budžeta Zeničko-dobojskog kantona za 2014. godinu, pozicija „Tekući transferi neprofitnim organizacijama“**

### **I.**

Usvaja se Program utroška finansijskih sredstava, sa razdjela 11 – Ured premijera, budžetska organizacija 01, potrošačka jedinica 001, ekonomski kod 614300, pozicija „Tekući transferi neprofitnim organizacijama“, Budžeta Zeničko-dobojskog kantona za 2014. godinu u iznosu od 147.750,00 KM (slovima: stotinučetdesetsedamstohiljadasedamstopedeset KM), i čini sastavni dio ovog zaključka.

### **II.**

Sredstva iz Programa iz tačke I. zaključka realizovat će se u skladu sa odobrenim mjesečnim planovima, a usklađeno sa realizacijom ostvarenih javnih prihoda u prethodnom mjesecu, osim u slučajevima odobrenim posebnom odlukom vlade.

### **III.**

Sredstva iz člana I. ovog zaključka koristiće se po prijedlogu Ureda premijera, na osnovu akta kojeg donosi Vlada.

### **IV.**

Zadužuju se Ured Premijera i Ministarstvo finansija da realizuju ovaj zaključak u skladu sa zakonom i podzakonskim aktima, svako u okviru svoje nadležnosti.

### **V.**

Zaključak stupa na snagu danom donošenja.

Broj: 02-\_\_\_\_\_ /14.

Datum, 06.02.2014. godine

Z e n i c a

**PREMIJER**

*Munib Husejnagić, dipl.ing.maš.*

DOSTAVLJENO:

1x Ured premijera,

1x Ministarstvo finansija,

1x a/a

## **PROGRAM**

**utroška finansijskih sredstava sa razdjela 11 – Ured premijera, budžetska organizacija 01,  
potrošačka jedinica 001, Budžeta Zeničko-dobojskog kantona za 2014. godinu, pozicija  
„Tekući transfer neprofitnim organizacijama“**

Zenica, januar 2014. godine

## 1. NAZIV PROGRAMA

Program utroška finansijskih sredstava sa razdjela 11 – Ured premijera, budžetska organizacija 01, potrošačka jedinica 001, Budžeta Zeničko-dobojskog kantona za 2014. godinu, pozicija „Tekući transfer neprofitnim organizacijama“

## 2. OPIS (SVRHA) PROGRAMA

Ovim programom Vlada Zeničko-dobojskog kantona (u daljem tekstu: Vlada), u skladu sa svojim ovlaštenjima i u budžetu planiranim sredstvima, želi:

- dati materijalnu podršku projektima i manifestacijama u organizaciji organa i institucija kantona, kao i onim predloženim od strane civilnog sektora (udruženja, organizacije...), čije finansiranje nije predviđeno u okviru drugih programa, a značajni su za građane, institucije i organe Zeničko-dobojskog kantona;
- podržati projekte u oblasti kulture, sporta, nauke, umjetnosti, kao i značajne manifestacije i projekte za očuvanje i promociju historijskih i državnih tekovina;
- obuhvatiti projekte i manifestacije koji su i ranijih godina podržavani od strane Vlade Zeničko-dobojskog kantona i na taj način postali tradicionalni i prepoznatljivi za užu i širu društvenu zajednicu;
- da kandidirani projekti/programi daju doprinos jačanju nacionalne i vjerske tolerancije;
- da kandidirani projekti/programi daju doprinos popularizaciji i razvoju sporta, postizanju vrhunskih sportskih rezultata i da daju doprinos omasovljavanju profesionalnog i amaterskog sporta;
- da doprinos uspješnom prezentiranju i afirmaciji Zeničko-dobojskog kantona, Federacije Bosne i Hercegovine i Bosne i Hercegovine u svijetu;

## 3. POTREBNA SREDSTVA ZA PROVOĐENJE PROGRAMA

- U Budžetu Kantona u ovu svrhu su određena sredstva u iznosu od 147.750,00 KM, na razdjelu 11, budžetska organizacija 01, potrošačka jedinica 001, ekonomski kod 614300, pozicija „Tekući transfer neprofitnim organizacijama“, Budžeta Zeničko-dobojskog kantona za 2014. godinu („Službene novine Zeničko-dobojskog kantona“, broj 15/13).
- Planirana sredstva za projekte sa Tekućih transfera neprofitnim organizacijama u budžetu Zeničko-dobojskog kantona za 2014.godinu raspoređuju se na sljedeće pozicije u Programu:

Br.	Pozicija u programu	Iznos
1	2	3
1	Organizacija svečanih akademija, obilježavanje značajnih datuma i bliže i dalje prošlosti, okruglih stolova i tribina za dane nezavisnosti i državnosti BiH	20.000,00
2	Finansiranje ili sufinansiranje sportskih manifestacija i projekata od značaja za Kanton ili državu čiji je pokrovitelj Kanton ili Vlada, ili pak u supokroviteljstvu sa drugim organima i organizacijama	45.000,00
3	Finansiranje ili sufinansiranje kulturnih, naučnih i vjerskih manifestacija	50.000,00
4	Sredstva rezervi	32.750,00
<b>Ukupno</b>		<b>147.750,00</b>

- Sredstva iz Programa utroška finansijskih sredstava, sa razdjelu 11 – Ured premijera, budžetska organizacija 01, potrošačka jedinica 001, Budžeta Zeničko-dobojskog kantona za 2014. godinu, pozicija „Tekući transfer neprofitnim organizacijama“, realizovat će se u skladu sa odobrenim mjesečnim planovima, a usklađeno sa relizacijom ostvarenih javnih prihoda u prethodnom mjesecu, osim u slučajevima odobrenim posebnom odlukom Vlade.

#### 4. STRUKTURA PROGRAMA

Br.	Naziv pozicije u programu	Svrha programa	Primalac	Iznos u KM	Izvori finansiranja
1	2	3	4	5	6
1	Organizacija svečanih akademija,okruglih stolova i tribina za dane nezavisnosti i državnosti BiH	Očuvanje i promocija historijskih i državnih tekovina BiH	Organizacije i pojedinci iz oblasti kulture, muzejske, istorijske i vojne oblasti, umjetnici, istoričari	20.000,00	Sredstva osigurana u Budžetu za 2014. godinu
2	Finansiranje ili sufinansiranje sportskih manifestacija i projekata od značaja za Kanton ili državu čiji je pokrovitelj Kanton ili Vlada, ili pak u supokroviteljstvu sa drugim organima, organizacijama, udruženjima i institucijama	Promocija Zeničko-dobojskog kantona u oblasti sporta, kao i razvoj i omasovljenje sporta na području Kantona	Organizacije i pojedinci iz sportske oblasti	45.000,00	
3	Finansiranje ili sufinansiranje kulturnih, naučnih i vjerskih manifestacija na području Kantona i BiH	Promocija Zeničko-dobojskog kantona u oblasti kulture i nauke, te njegovanje tradicija u narodu	Organizacije i pojedinci iz oblasti kulture, nauke i vjerskog života	50.000,00	
4	Sredstva rezervi			32.750,00	
<b>UKUPNO</b>				<b>147.750,00</b>	

#### 5. KRITERIJI ZA DODJELU SREDSTAVA

##### 5.1. KRITERIJI (OPŠTI) ZA DODJELU SREDSTAVA :

- da imaju stalno prebivalište ili sjedište, odnosno boravište na području Zeničko-dobojskog kantona;
- kvalitet kandidiranih projekata/programa produkcije, prezentacije i afirmacije kulturnog i umjetničkog stvaralaštva;
- kontinuiranost projekta i njegova tradicijska osnova (projektne aktivnosti koje imaju dugoročni učinak i održivost);
- regionalna i nacionalna zastupljenost;
- visina procenata ulaganja u program/projekat od strane drugih nivoa vlasti, inozemnih ili domaćih partnera u kreiranju i realiziranju programa/projekata te sačinjeni predugovori;
- do sada dobijene nagrade i priznanja na domaćem i međunarodnom planu
- značaj koji projekti i programi imaju u pogledu predstavljanja Kantona, Federacije Bosne i Hercegovine i same Bosne i Hercegovine kao eminentne kulturne sredine;
- korisnik sredstava treba da osigura transparentnost utroška odobrenih sredstava, te eventualno omogućiti kontrolu utroška sredstava,

## 5.2. KRITERIJI (POSEBNI) ZA DODJELU SREDSTAVA

Kroz ovaj Program Vlada Zeničko-dobojskog kantona će podržati projekte, programe i manifestacije koji, pored općih kriterija, zadovoljavaju i sljedeće kriterije:

1. da projekti obilježavaju značajne datume vezane za državnost Bosne i Hercegovine imaju za cilj očuvanje i njegovanje tradicija oslobodilačkog rata, da su postali tradicionalni, te da uživaju ugled i interes kod javnosti kroz organizovanje akademija, marševa, posjeta istorijskim mjestima, organizaciju susreta i sportskih (memorijalnih) turnira.
2. da su sportske manifestacije od posebnog interesa za Kanton, Federaciju Bosne i Hercegovine i samu Bosnu i Hercegovinu, i da kroz kontinuitet održavanja (tradicionalnost) sportskih manifestacija doprinose popularizaciji i podizanju kvaliteta i razvoja sporta u Kantonu.
3. posvetit će se posebna pažnja opremanju sportskih ekipa sa ciljem stvaranjem uvjeta za razvoj sporta kroz nabavku opreme i obezbjeđivanje termina za bavljenje sportom (amaterskim i invalidnim);
4. da projekti koji prezentiraju i promoviraju kulturu i umjetnost posjeduju kvalitet projekata i programa produkcije, prezentacije i afirmacije kulturnog i umjetničkog stvaralaštva sa ciljem podizanju općeg kulturnog nivoa građana i da navedeni projekti doprinose angažiranju i afirmaciji mladih u oblasti kulture :

## 5. POSTUPAK DODJELE SREDSTAVA

### a) Potrebna dokumentacija:

Organizacije koje apliciraju za dodjelu sredstva, dužna su dostaviti uz zahtjev za dodjelu sredstava i sljedeću dokumentaciju:

1. Sredstva će se odobravati na osnovu podnesenih zahtjeva za dodjelu sredstava sa kratkim opisom programa utroška sredstava za održavanje manifestacija, takmičenja;
2. Program/projekat sadrži sljedeće elemente:
  - Naziv projekta (programa, manifestacije, takmičenja);
  - Podaci o organizatoru (Naziv, adresa, banka korisnika, račun za uplatu, ID broj, kontakt osoba i broj mobilnog telefona)
  - Obrazloženje značaja (programa, manifestacije, takmičenja.) za Zeničko-dobojski kanton,
  - Mjesto i vrijeme održavanja;
  - Sadržaj programa, manifestacije, takmičenja;
  - Potrebna sredstva i način finansiranja;
  - Obrazloženje utroška sredstava;
3. potvrda od nadležne banke da transakcijski račun udruženja nije blokiran u zadnjih šest mjeseci;
4. podnosilac zahtjeva treba osigurati uslove da je program ili projekt osmišljen na način da je moguće kontrolisati i nadzirati provođenje aktivnosti i potrošnju odobrenih finansijskih sredstava;

**b) Postupak za dodjelu sredstava:**

Prijavu za dodjelu sredstava, sa kompletiranom dokumentacijom, zainteresovani podnose Uredu premijera Zeničko-dobojskog kantona, koji u skladu sa članom 23. Zakona o izvršavanju Budžeta Zeničko-dobojskog kantona („Službene novine Zeničko-dobojskog kantona“, broj 15/13), prosljeđuje Vladi Zeničko-dobojskog kantona na donošenje odgovarajućeg akta.

Sredstva iz programa se odobravaju zaključkom Vlade, u kome će se utvrditi obaveza korisnika sredstava, da poslije okončanog projekta ili manifestacije, u roku od 30 dana dostavi Uredu premijera izvještaj o utrošku sredstava.

**a) ZAKLJUČNE ODREDBE**

Za realizaciju izvršenja programa, kao i praćenje pravilnosti i dinamike utroška sredstava zadužuje se Ured premijera.

Broj: 02- \_\_\_\_\_ /14.

Datum, 06.02.2014. godine

Z e n i c a

**PREMIJER**

*Munib Husejnagić, dipl.ing.maš.*

DOSTAVLJENO:

1x Ured premijera,

1x Ministarstvo finansija,

1x a/a